

WORD

WHAT

What does the Bible say?

⁸⁹Ang salita mo, O Yahweh, di kukupas, walang hanggan, matatag at di makilos sa rurok ng kalangitan. ⁹⁰Ang taglay mong katapatan ay hindi na magbabago, ang nilikha mong daigdig, matatag sa kanyang dako.

Awit 119:89,90

Sinasabi ng Salita ng Diyos na ito ay walang hanggan. Inilalarawan ito bilang “matatag at di makilos sa rurok ng kalangitan.” Ibig sabihin, ito ay isang katotohanang mananatili at hindi matitinag ng kahit anumang pangyayari sa lupa sa pagdaan ng panahon. Makakatiyak tayong ito’y mapagkakatiwalaan kaya’t dapat lamang na bigyang halaga natin bilang mga Kristiyano ang pagbabasa, pagtitiwala, at pagsasabuhay ng Kanyang Salita.

- **Ang Salita ng Diyos ay hindi nagbabago.**

Ang lahat ng tuntunin mo’y matuwid at walang hanggan, bigyan ako ng unawa at ako ay mabubuhay.

Awit 119:144

Ang Salita ng Diyos ay katotohanan (Juan 17:17) at ito ay hindi nagbabago (Awit 119:89). Sa kahabaan ng kasaysayan, naranasan na ng Salita ng Diyos ang samut-saring pagsusuri ngunit palagi nitong napapatunayan ang katotohanan nito. Dapat lamang na ang Salita ng Diyos ang magkaroon ng pinakamataas na awtoridad sa buhay ng bawat Kristiyano. May pagkakaiba ba pag sinabi nating ang Salita ng Diyos ay “totoo” o na ito ay “katotohanan?”

- **Ang Salita ng Diyos ay mananatili.**

“Kahit maglaho ang langit at lupa, ang mga salita Ko’y mananatili magpakailanman.

Mateo 24:35

Hindi kailanman nagkaroon ng panahong hindi nabuhay ang Salita ng Diyos (Juan 1:1) at hindi ito titigil sa pananatili (Isaias 40:8). Ito ay naipasa na sa maraming henerasyon. Isipin mo na lang: nakarating ang Bibliya sa panahon natin! Papaano kaya naging posible ito kung hindi nga totoong ang Bibliya ay galing sa Diyos?

- **Ang Salita ng Diyos ay maisasakatuparan.**

Ganyan din ang aking mga salita, magaganap nito ang lahat kong nasa.

Isaias 55:11

Ang mga nasusulat sa Bibliya patungkol sa ating panahon ay naisakatuparan na at marami pa itong nasusulat tungkol sa mga mangyayari hanggang sa wakas ng kasalukuyang daigdig. Dahil natupad na ang unang pagdating ni Jesus sa mundo, makakaasa tayong matutupad rin ang Kanyang pagbabalik bilang Huwes at Hari (Mateo 5:18). At sa ating paghihintay, tinatawag Niya tayong mamuhay ng may kalubusan sa Kanya (Juan 10:10).

SO WHAT

What is the relevance of the Word to my life?

- Ngayong alam mo ng ang Salita ng Diyos ay hindi nagbabago at mananatili, papaano nito naaapektuhan ang iyong pananampalataya sa Diyos?
- Anong mga aral sa Bibliya ang magagamit mo sa iyong buhay ngayon? Papaano mo ito magagamit sa iyong kinalalagyan ngayon?
- What promises in the Bible to you look forward to happen in your life?
- Anu-anong mga pangako sa Bibliya ang inaabangan mong mangyari sa iyong buhay?

NOW WHAT

How do I apply the Word to my life?

- Ano ang pupwede mong gawin sa mga susunod na araw upang tumatag pang lalo ang iyong pananampalataya sa Salita ng Diyos?
- Sa anong paraan mo mahihikayat ang iba na magtiwala sa Salita ng Diyos?
- Ano ang pupwede mong gawin ngayong linggo upang ikaw ay matulungan na lalo pang magbasa at mag-aral ng Salita ng Diyos? Papaano mo matutulungan ang iyong mga kagrupong upang gawin din ito?